



Peserta mencanting batik di Butik Batik Winotosastro.

Jalinan budaya beri inspirasi

Kuala Lumpur: Lapan mahasiswa Universiti Putra Malaysia (UPM) berpeluang berkongsi ilmu seni dan budaya bersama-sama masyarakat Indonesia menerusi Program Kembara Seni 2016 ke Indonesia, baru-baru ini.

Program disertai penghuni Kolej Sepuluh dan Sebelas UPM itu turut merintis jalinan budaya menerusi slot Dialog Budaya Serumpun antara UPM dan Universitas Teknologi Yogyakarta (UTY).

Pengarah Program, Nooryani Abdul Salim, 21, berkata program membolehkan peserta mempelajari keunikan seni budaya Indonesia

seperti tarian klasik Jawa, puisi Jawa, nyanyian lagu rakyat selain berkongsi ilmu bersama Ketua Prodi Sastera dan Bahasa Inggeris UTY, Prof Dr Jonannes.

Katanya, peserta turut tampil dengan persembahan tarian tradisional Zapin Pat Lipat yang berjaya menarik perhatian warga UYT.

"Kami turut mengunjungi butik Batik Winotosastro di Yogyakarta untuk mendalami proses pembuatan seni batik selain melakukan aktiviti mencanting batik.

Maksud tersendiri

"Setiap seni batik yang dihasilkan di butik ini mempunyai maksud

FAKTA NOMBOR


8 pelajar

UPM berpeluang berkongsi ilmu seni dan budaya bersama-sama masyarakat Indonesia di Program Kembara Seni 2016 ke Indonesia

tersendiri dan turut dikongsikan pengusaha butik sebagai strategi memasarkan keunikan batik Indonesia," katanya.

Kunjungan turut dilakukan ke beberapa lokasi bersejarah termasuk Tugu Yogyakarta, Pasar Beringharjo, Malioboro, Candi Borobudur, Alun alun Utara, Alun alun Selatan, Istana Keraton dan Tugu Monas Jakarta serta kunjungan hormat ke Pejabat Kerdutaan Besar Malaysia Indonesia di Jakarta.

Beliau turut berharap pengalaman sepanjang program itu memberi inspirasi kepada peserta untuk terus mendalami kepelbagaian budaya antarabangsa.



Peserta mengabadikan kenangan di Malaysian Hall Jakarta.